

建安縣志

建安志序

凡事之難不難於事而難於人蓋樂於有爲者其視事固無難也建邑舊有志書自前戊子遭兵燹之後

毀棄無存迄於今六十餘年矣而前此之莅斯土牧斯民者皆因循退縮不一舉修之殆甚難乎其為事也歲壬辰春仲余奉

命來守建州入閩地山川
覽其風土衣冠文物固彬
彬然鄒魯之鄉也蓋建郡
處閩之上游接仙霞之勝
挹武彝之竒毓秀鍾靈甲

於全閩是以宋室名賢蟬
聯鵲起昌明理學善俗移
風迄今遺響流徽猶是當
年教化余也幸履其地而
穆然於數伯載之前輒不

禁神遊往昔邈矣遐思也
而獨是此邦之風土人物
不一而足未易悉舉宜無
不於志書脩載之顧府則
有志矣即所屬之甌陽崇

浦松政壽各邑亦無不有
志矣而建安為建郡之首
邑考其志獨無有問其所
以則曰火於兵也計其時
則自前戊子至今六十有

餘歲也噫異矣凡事有不
可為不能為及不必為者
皆不妨旦暮以置之而若
夫志也者記載明而風土
於是乎著叙述備而人物

於是乎彰是非不可為者
也考往昔之遺文集衆人
之公論是又非不能為者
也而且疆域於是乎定賦
役於是乎明寬猛得失之

政於是乎知貞淫正變之
風於是乎悉是更非可以
旦暮置之而不必為者也
奈之何以六十餘歲之久
莅斯土牧斯民者不知凡

幾而皆因循退縮不一舉
修之是固有心者於此所
不能釋然者耳且夫邑之
有志猶國之有史也史以
記其世會之盛衰人事之

興廢禮樂刑政之得失而
志則記夫一都一會一區
一隅之山川城郭人物風
土與夫興建所自始教化
所由及莫不詳悉而脩載

之是故省有通志府有郡
志縣有邑志俾世之採風
者按籍稽之而可以知此
邦之山川城郭也人物風
土也興建所自始而教化

所由及也不憂憂重之哉
奈之何以六十餘歲之久
舉而修之者甚難其人耶
今幸癸巳之秋知建安崔
君造予而請曰邑之有志

猶國之有史也誠不可以
一日廢而建邑之志廢棄
者久矣某也亟欲舉之而
初未逮也今且索其遺書
質之衆論且證之以數年

來簿書期會之所見聞而
竊以為事有可行者謹已
叙列成帙其間山川之位
置城郭之建興人物之發
祥風俗之習尚何者為當

代之芳徽何者為近時之
殊節何者為民生之休戚
何者為教化之盛衰產宜
何植任土之貢不窮政以
何先因時之宜而制條分

縷晰脩識無遺其庶足為
此邑之載籍乎余顧之而
欣然曰此固建邑不可一
日緩之事而前此六十餘
歲皆未舉行耶前此六十

餘歲未能舉行之事而子
今顧一旦行之耶不於斯
土於斯民有厚幸乎吾于
是正樂有以觀子之成而
羨子之能為其難也嗟乎

士君子處不可為之地則已矣居可為之地值得為之時而不汲汲以有為焉則其於事也誠難矣然究非事之難也自因循退縮


者處之而即以為難也吾故曰不難於事而難於人也是為序

峯

康熙癸巳仲秋上浣之吉

賜進士出身中憲大夫知福
建建寧府事加一級前
吏部考功清吏司郎中
壬午科廣東主考翰林
院庶吉士西川張翔鳳

南野氏題於居敬堂



修建安縣志序

粵稽禹貢敷土而天文地理區域各
奠既又鑄鼎象物昭示來茲厥後班
孟堅師其意始為地志迄今踵而行
之所從來遠矣然自秦漢以還世代
屢遷所在州縣或闕焉而不志或志
焉而復湮我

皇上聖德神功洋溢內外遐荒異域無不
盡隸版圖車書之盛亘古未有爰

命詞臣特纂

大清一統志又

簡在廷寮窠分歷天下郡縣相度山川道

里遠近風土淑慝繪圖以進是古王者採風盛典復見今日然所藉以為徵信地者於邑乘端賴也余自戊子蒞建歷其土疆察其風俗儒先過化之邦流風餘韻猶有存者及訪求邑乘則六十餘年來未有成書心竊疑

之詢之縉紳士庶僉謂戊子兵燹遭燬之後生齒未復吏茲土者徃徃以歲賦考成未暇煖席輒問林泉雖有意成編要皆為時勢所阻耳余聞其言不覺三太息曰甚矣吏之難也既而憮然曰志之闕吏之羞也矧閩雖

海濱夙稱鄒魯建州為九閩上游而建安又建州首邑人文財賦頗甲東南顧未有專志莫得播傳使四方徃來剋蓋以及商賈行旅履其地不識聲名由其途貿然風物豈惟貽譏大雅如施政之失要何余謬不自揣日

進父老子弟宣

聖德恤民依其或利有未興則謀何以興之弊有未去則謀何以去之忘寢食宵旰而不憚為吾建圖教養計生安者蓋六年於茲矣賴

皇上德化

各憲恩培幸而時和年豐民生樂業乃
乘餘暇興言纂輯請之

郡憲即蒙報可遂延邑紳陸君登選孝
廉魏君纘緒張君觀海馬君肇樞林
君廷璧明經潘君宏太學謝君超宗
諸生朱君玉共襄厥事諸君子虛衷


雅意分類校讐遠蒐近討寧慎毋忽
寧嚴毋濫甫月而書成用付諸梓嗣
是而攷其形勝則城郭山川鞏固規
制如覩也覈其人才則忠孝節烈兩
間正氣常存也問其土田徵其剗裳
則瑤琨篠簜官師紳士靡不郁郁彬

彬有法而有則也其載祀典者道德
勲猷悉關世教其列藝苑者詩詞記
傳摠裨人心而且高人逸士莫非典
型羽客縉流亦皆古處是誠好惡無
偏綱目具脩舉六十餘年之闕典至
余而勒成一書上供 輶軒資其採

擇下留草野昭其勸懲此固吏茲土
者職分所應為而返諸下車以來之
初心庶幾可以無憾矣若曰邑乘猶
之國史惟兼有三長者能踵事增華
請以待繼起之君子余不敏端有厚
望焉是為序

峇

康熙五十二年歲次癸巳仲秋穀旦
鄉進士文林郎知建寧府建安縣事
加一級仙源崔銑撰



纂修建安縣志姓氏

主修

建安縣知縣加一級 崔

銑

江西南太舉人

協修

縣丞加一級 龔

渤

例監生浙江

儒學教諭舉人 吳應異

己卯科舉人

閩縣人

訓導加一級 謝天由

歲貢生永福

人

督工

典史加一級 張

琰

陝西富平人

建安縣志

姓氏

一

分修

丁卯科舉人原任浙江分水縣陸登選

本縣人

壬午科舉人 張觀海

甌寧人

乙酉科舉人 魏纘緒

本縣人

甌寧籍人

乙酉科舉人 馬肇樞

本縣人

乙酉科舉人 林廷璧

本縣人

拔貢候選教諭 潘宏

本縣人

國學候選州同 謝超宗

甌寧人

賢裔增廣生 朱玉

本縣人

建安縣志目錄

知縣事 僊源 崔 銑 修

卷之一

圖攷

四境圖
學宮圖

城池圖
賢祠圖

公署圖
梨山圖

星野

建置沿革

附形勝

氣候

風俗

山川

卷之二

疆域

附坊市

街巷

井

建安縣志

目錄

一

城池

附水利

津梁

卷之三

公署

學校

附書院

坊表

秩祀

卷之四

賦役

戶口

地丁

附物產

職官

卷之五

名宦

選舉
科薦目

附武科
封蔭

貢途

附援例

卷之六

人物
理學

名臣

忠烈

風節

良吏

卷之七

人物
儒林隱逸

文苑
方伎

武功
列女

流寓
方外

孝義

卷之八

藝文
上

記序

卷之九

建安縣志

目錄

一一

藝文
下

雜著

題咏

卷之十

雜志
古蹟

丘墓

兵氛

祥異

拾遺

凡例 計十一條

一建邑舊志自戊子燬後板籍散失雖郡乘重修
邑無專梓濫竽以來即思纂輯今考訂成書其
郡志已載者因而錄之其未載者例當廣蒐博
採然亦必文獻可據輿論足憑者方敢編入
一志首列輿圖次分綱自大□分註彙記附載其
間輕重詳畧俱沿□例而四境城郭縣治儒學
聖廟賢祠各繪一圖山川鄉里細書分布于四
境圖內一披覽而瞭若指掌

建安縣志

凡例

一

一建安爲附郭之邑凡星野建置沿革山川城池
學校之類悉本府志編次無異至建置沿革附
以形勢氣候風俗疆域附以街巷市井城池附
以水利津梁學校附以書院坊表賦役附以物
產選舉附以援例人物附以方外以綱統目庶
便觀覽
一公署書院祠廟津梁坊表書目多名存實亡昔
興今廢仍照郡志開載不敢芟削
一祀典凡壇壝秩祀及神靈曾賜勅額爲境內祈

報者照郡志附入其淫祠不載

一賦役國有常經戊子甲寅兩經變故戶多逃亡田多汙萊輸納維艱建邑獨甚今照郡志核定科徵欸項俾司國計者加意撫字焉

一選舉

本朝鄉會兩榜原有芟去姓氏者大書特書郡志已沿通志至納粟入貲亦尚書旣富方穀之義雖通志郡志不載茲應附入

一名宦人物郡志已載者因之今志增入必政績

建安縣志

凡例

二

彪炳行誼表著年久論定者然後採而入之不敢濫收以滋口實其有一二材行可稱者則附見于科貢姓氏之下

一名宦鄉賢建邑向有專祠自戊子而後大典有闕茲志已成凡豐功偉烈潛德幽光雖俱表揚而修廢舉墜殆不可緩余愧未逮尚俟將來一藝文取其有關於邑之治體民瘼與夫裨于風教者錄以垂後若題詠篇什亦錄之以俟觀風者採焉

一雜志有可驗世風升降理道隆污者以類例無
可附故括之于卷末他如方言軼事足資洽聞
者間併及之